

皇朝

世祖景皇帝順治二年六月日始傳治學士兵部杭州府

張鑑王

我事下新甯波同知朱之秀通判

府事聞語同知府事之委輪詢於

已起兵之秀遂斷回部全氏勉

四月六日王受王受生詳見縣志

設刑部七職員外郎餘事案起共

案案有案

鄞縣誌(光緒) 四

鄞縣志卷十六

大事紀下

皇朝

世祖章皇帝順治二年六月貝勒博洛等率兵趨杭州甯波歸順

豫親王
奏疏

我軍下浙甯波同知朱之葵通判孔聞語迎降貝勒令之葵知

府事聞語同知府事之葵輸餉於貝勒至姚江故僉事孫嘉績

已起兵之葵道斷回鄞

全氏鮎埼亭集錢忠介碑

閏六月壬辰

○案九日己丑餘姚兵起甯波以十二日舉事則明壬辰也詳見鮎埼亭集野史有作十一日者誤

故刑部元誤吏部員外郎錢肅樂起兵甯波定海總兵王之仁石浦遊

擊張名振以海上兵應之

聖武記

肅樂建議起兵諸生華夏董志甯等遮拜肅樂倡首士民集者

大事紀下

大事紀下

卷一百一

名一

數萬人乃建牙行事繕完守具

明史肅樂傳

之仁已納款肅樂遣客

倪懋燾勸其來歸

忠介碑

降臣謝三賓欲梗師

全集莊太常傳

陰致書之

仁以兵威脅之仁至甯受約於肅樂

魯紀年語詳人物傳

知慈谿縣王

玉藻知定海縣朱懋華知奉化縣顧之俊知鄞縣袁州佐知象

山縣姜圻皆以兵餉會

忠介碑

戊戌遣舉人張煌言奉箋赴台州

迎請魯王監國七月會師西興

南疆釋史

十二月魯王以謝三賓爲禮部尙書

釋史

東閣大學士參機務

續耆舊傳

初謝三賓招兵於翠山眾人疑之推刑部主事莊元辰任城守

耀兵巡堞三賓不敢動乃以翠山之眾迎魯王自七月至十月

鄞始解嚴

莊太常傳

戚晚張國俊飽兼金引三賓直東閣

忠介碑

三年六月丙子朔浙河兵潰魯王發紹興由江門入海

海外勸我

半下甯波府

錢志

征南大將軍博洛抵杭州明兵營錢塘江東岸我軍策馬徑渡

端重親王奏疏都統圖賴從上游分擊之國史圖列成賊潰監國航海

紹興甯波悉下聖武記富平將軍張名振棄石浦以舟師扈王投

肅鹵伯黃斌卿於舟山斌卿不納永勝伯鄭彩奉王入閩魯紀年

八月謝三賓投誠張存仁奏疏隨阮大鍼迎

王師續者舊傳

三賓字象三明天啟五年進士錢志知嘉定縣爲均田以均役裁

劑得其平吳淞漕塞聞志濬新涇陳華浜黃姑塘夏駕浦吳淞所

城濠共三萬九千一百八十丈蘇州府志澤及旁邑聞志崇禎三年建

掩骼庵於城東隅捐俸養僧以掩枯骨自爲記蘇州府志三賓爲錢

謙益門下士甚相得刻唐叟四子集於嘉定續者舊傳○案蘇

升叟堅李流芳程嘉燧兩舉卓異擢陝西道御史力爭逆案不可輕翻疏

系
大事紀下

草爲士林傳誦

史大成撰三賓墓志

陝督楊鶴主撫誤國四年流賊陷中

部三賓疏言鶴謂慶陽撫局既畢散遣俱盡中部之賊甯自天

降下巡按御史吳牲覈奏逮鶴下獄戍袁州

明史楊鶴傳

五年李九

成等圍萊州

明紀

三賓疏言成事在人了此不過數月卽敕監紀

軍事星馳以赴

聞志

至昌邑請斬逃帥王洪劉國柱詔逮治之兵

部尙書熊明遇亦坐主撫罷去三賓抗疏請絕口勿言撫事

明史

朱大典傳

遂解萊園進攻登數月城破敘功賜蟒衣銀幣進太僕少

卿

墓志

監軍副使宋之儁忤三賓互訐於朝之儁落職三賓亦貶

秩

明史王徵俊傳

數月

聞志

丁憂歸

錢志

三賓非將才乾沒賊營金數百萬

其富耦國與錢謙益爭妓遂成仇南都時謙益復起三賓稱門

下士如故

全集視師紀略跋

乙酉夏浙東內附總兵王之仁繳勅印貝

勅令仍故任鄞人擁錢肅樂舉事

全集倪僉事墓文

三賓新降惡聞之

私遺之仁書曰諭諭訛訛思拚頭顱以披猖於一擲者出自庸
妄之口將軍以所部來斬六狂生事卽解矣僕請以千金爲壽
六狂生者董志甯華夏輩也會之仁中悔致書肅樂請自効翌
日帥師至大會鄆人於演武場袖出三賓書朗誦貢之三賓戟
手前奪書之仁怒麾軍士令斬其首以祭纛三賓叩頭乞哀請
出家財充餉乃止監國次會稽三賓以賂結戚晚張氏全集董給事神
道加兵部侍郎晉禮部尙書不數月參機務續耆舊傳與張國俊共
擠肅樂忠介碑丙戌我軍渡浙三賓偕阮大鍼宋之普蘇壯等赴
江干乞降明史馬士英傳刊揭自言前此歸命之早而爲王之仁所脅
今幸得反正見天有日然卒不見用全集華檢討狀丁亥十二月華夏
等使人走舟山約黃斌卿次甯波不克三賓訐之夏等皆論死
舟山興廢記海道孫枝秀豔三賓之富欲并殺之而取其室使人上

書告之密語夏力引三賓當爲報仇及共訊華檢討狀夏曰謝三賓

反覆小人也對簿錄建議之士胡可假之三賓在旁搏額謝舟山記

所擁金爲枝秀勒取殆半三賓忿甚賂大府劾去枝秀以報之

於是其金漸耗遂薰萃以至於死視師紀略跋年七十九墓志

四年魯王在長垣釋史冊元妃陳氏全集舟山宮井碑

陳妃鄞縣人丙戌春入宮西陵失守保定伯毛有倫扈宮眷出

蛟關道逢亂兵擁張妃去陳妃在副舟中急令鼓棹突前追兵

不及至舟山監國已入閩宮井碑是年四月總制尙書張肯堂避

地舟山依黃斌卿勸哭記遣人護之得達長垣監國見之流涕進

冊爲元妃宮井碑○案妃有傳詳列女

十二月庚午黃斌卿攻甯波不克海外勸哭記

魯王入閩連陷州縣我兵守浙者抽以赴閩於是甯紹遺民爭

結山寨聖武記餘姚王翊起下管轉相號召得千餘人入四明

節諸臣結寨於大蘭威鹵侯黃斌卿守舟山鄞之義士董志當

華夏全集王屠獻宸楊文琦文瓚董德欽王家勤謀起兵內應

而御史○案長祥李長祥亦結會稽豪傑以待使人走舟山約

斌卿入勸哭記獻宸甲第雄於甬上北來諸將奪其半以爲署海

道中營遊擊陳天寵仲謨者北人也詣獻宸密室屏左右言曰

吾二人故史閣部麾下閣部死遺言囑我輩無負明室吾觀公

非凡人願効死倘城下有警吾縛備兵使者以予公矣獻宸大

喜全集屠董合狀諸義士議分道集兵全集王文琦與翊最善全集楊

合主大蘭之師家勤主管江施邦炳杜懋俊等招姜山壯士得

三千人王評柴樓徐孚遠得六百人大蛟張夢錫得四百人慈

水馮家楨得五百人期十一月四日華檢馮京第以舟山之軍

董給

至城東懋俊引軍

全集杜秀才志

由陸路會

王評事狀

諸道畢集

華檢討狀

志甯翻城應之

董給事表

德欽任其餉

屠董合狀

李長祥軍上虞之東山

全集王侍郎傳

亦以是日入越

華檢討狀

因連軍下紹興監國故疆可復也

部署已定

董給事表

會降臣謝三賓告變我各城守將急捕內應并

調慈谿兵入大蘭姚江兵擣東山數路皆潰屆期舟山兵果入

蛟門

聖武記

直抵鄞城東三江口諸道無一至者

華檢討狀

陳仲二將

秣馬思應之海道孫枝秀登陴以望駭曰敵兵翹首望城上而

不發矢望內應也卽調城守營兵分鎮諸門居民敢有出衢巷

者擊殺之陳仲二將不敢發

屠董合狀

島師泊桃花渡城上以大礮

擊之卽退

舟山記

亦莫敢有迫之者

華檢討狀

斌卿無攻城掠地之力

徒望內應之成功以享其利既返甚悔其出

舟山記

懋俊部署軍

士爲入海計定海鎮將常得功豫遣舟師扼海口分軍抵管江

家勤被執懋俊據險而鬪三日寨陷力戰死邦煥自焚杜秀先志

是謝三賓賺取華夏所貽大蘭帛書盡得其詳由分守道陳謨

以告巡按秦世楨華檢討狀夏首就逮入獄對簿錄四出搜捕志甯逃

之舟山得脫董給事表獻宸德欽走天台海道遣人追執之屠董三合狀

賓揭帖列文琦文瓚及其弟文球名獨文球變服入閩楊氏忠烈合狀

戊子五月華檢討狀夏獻宸德欽文琦同日死於鄞王評事狀當事議釋

文瓚三賓以賄請必殺之乃復逮文瓚忠烈合狀論死文瓚妻張氏

夏妻陸氏獻宸妻朱氏文琦妻沈氏皆自縊舟山志秦世楨移家

勒囚於錢塘六月癸丑死王評事狀徙諸家妻子於燕華檢討狀

五年二月魯王以兵部尙書錢肅樂爲東閣大學士海外勦哭記

魯王航海肅樂隱海壇山採薯爲食王次長垣召爲兵部尙書

明年拜大學士明史本傳肅樂力辭弗許南疆釋史

六月丙戌肅樂卒

魯紀年

國勢日蹙藩鎮驕悍肅樂憂憤成疾卒於海外琅琦山

南語詳略

人物傳

王翊結寨四明山

南疆繹史

提督田雄破翊於杜畧

王侍郎碑

浙東山寨相繼起翰林張煌言軍平岡都督章欽臣軍南鎮

王侍

郎御史張夢錫軍大皎

全集張侍御哀詞

小寨支軍以百數

王侍郎碑

而翊

最强以王江司餉沈調倫毛明山孫悅領部卒

明殉節諸臣事迹

都御

史李長祥結寨東山前軍章有功驍銳敢戰所將五百人皆具

兼人勇我軍以全力壓之被擒而死長祥遁之奉化依平西伯

王朝先得其資糧之助復合眾於夏蓋山

全集李侍郎狀

是年三月翊

破上虞殺攝印官浙東震動

四明山寨記

官兵欲平山寨以翊爲的

王侍郎碑

檄四明村落結團練自相戰守

殉節諸臣事迹

提督合甯紹台三

府之軍由四明清賢嶺入翊屯丁山久而弛官兵粹至翊敗喪

其卒四百人孫悅中流矢死

王侍郎碑

御史馮京第開行至四明與

翊合軍

山寨記

守杜畧以嚴險爲關提督乃調浙西兵令團練者

爲導遂破杜畧翊以四百人入天台依威遠將軍俞國望

史釋

威鹵將軍邵一枝亦戰敗於下管被執

殉節諸臣事

迹○案一

不倫山寨記謂別部邵不倫見獲翊

翊謂諸將曰北兵雖健我

視其銳則避之非團練爲之導敢行險如枕席乎乃自天台

山寨

記

乞國望之兵閒道入杜畧擊破團練官兵失團練亦出山

王侍

郎翊隨道收兵至萬餘人

山寨記

結主寨於山之西北境曰大蘭

山遂號大蘭洞主

釋史

六年都御史嚴我公招撫山海發使者入四明山

山寨記

王翊部將

黃中道邀殺之

殉節諸臣事迹

翊軍既盛

王侍郎碑

蔓延於四明八百里設五營五司王江主餉履

畝而稅人無不樂輸者浙東列城爲之晝閉

翊東徇奉化山寨記

官兵方攻公塘吳奎明奎明奔河泊所追及之猝遇翊而戰官

兵失利

王侍郎碑

七月魯王之健跳遣官詣寨授翊河南道御史江

戶部主事朝士咸以爲薄是冬

原誤秋

翊朝謁舟山擢右僉都御

史史繹時新奉

恩詔山海投誠文武官員照原官題職地方官卽爲起文赴部推

補實缺

南略

會稽嚴我公以都御史充招撫徧歷山寨以抵翁洲

王侍郎碑

湖州柏襄甫會稽顧虎臣等皆降

勦哭記

翊懼其搖士心都

督黃中道曰此易拒耳招撫先遣吏持檄入山中道醢之分饋

各營

句餘土音注

敢受招撫者視此我公踉蹌去

勦哭記

七年九月

山寨記

都統金礪提督田雄分路擣四明山

聖武記○案記誤隸八年

先是張名振取健跳迎魯王至浙與阮進王朝先共殺黃斌卿

魯王駐舟山

魯紀年

加王翊兵部左侍郎翊謂馮京第曰今與我

犄角惟舟山我破舟山無援舟山破我亦孤事未可知

殉節諸臣事迹

待之數年庶幾爲中原之應也是年八月破新昌

山寨記

越餘姚

拔澣山紹甯道梗

殉節諸臣事迹

於是總督陳錦奏言舟山海寇及各

山寨之寇皆以故國爲名狼狽相倚海寇登岸則山寇爲之接

應山寇被剿則入海以避兵鋒

聖武記

臣多方咨訪盡得情形前

此以招撫爲名甚屬非計宜就臣標及提鎮撥選合定關水陸

之兵相機督剿

國史陳錦傳

詔錦與都統金礪提督田雄等先剿山寨以除內顧用鄉民爲嚮

導

聖武記

礪由奉化入雄由餘姚入會師大蘭山

山寨記

軍帳彌漫

三十里游騎四出諸寨多逆請降或四竄

王侍郎碑

御史張夢錫軍

直隸二

卷一

大較挾長矛出鬪眾寡不敵死

張侍御哀詞

翊屢戰不能抗以親兵

入翁洲

王侍郎碑

京第被獲於灌頂山

殉節諸臣事迹

明年秋官兵三道下

翁洲翊以事急復入山中招兵爲團練所執八月赴定海羣帥

射之翊不動如貫植木乃斧其首而下之

王侍郎碑

翊字完勳餘姚

人

殉節諸臣事迹

八年九月浙閩總督陳錦等攻舟山舟山平

國史陳錦傳

魯王元妃陳

氏死之

宮井碑

案曰舟山之事例載於郡志非邑乘所宜著但元妃爲吾

鄞人國亡殉節無愧於北都二后一代之大事非僅邑里

之光也故特書之

大學士張肯堂定西侯張名振蕩湖伯阮進等擁魯王踞舟山

我定南將軍劉之源與總督陳錦會師進剿出甯波之定關

國史

劉之降將張天祿出崇安馬進寶出台州舟山聞警名振奉王

親撫吳淞以牽制之肯堂以兵六千畱守八月辛酉官兵試舟

海口南疆田雄金礪乘潮出海國史田雄傳副都統吳汝玠揚帆先

發國史吳汝玠傳阮進集戰艦以拒敗之於橫洋劉之源傳進創甚投水我

兵刺取之魯紀年丙寅大霧咫尺莫覩官兵悉抵螺頭門史汝玠

率眾登岸吳汝玠傳參領鄧長春爲前部國史鄧長春傳直抵城下安洋將

軍劉世勳議分兵先送宮眷元妃諭辭願死此淨土乃止宮井

世勳等背城力戰殺傷千餘人魯紀年九月丙子諸軍力竭城遂

陷世勳巷戰死張肯堂闔門盡節史元妃整冠服北向拜謝投

井而死錦衣指揮王相內臣劉朝昇巨石填平之共刎其旁宮井

碑名振還救城已破乃奉魯王赴廈門陳錦奏設陸兵千水師

二千於舟山聖武記